

寶雲經

以心繫心，以心住心，心專一故，次第無間，得定心故，心常寂靜。

正法念處經

精勤修行則得見諦。是故應當曠野寂靜，一心正念，離於一切多語言說，一切親舊知識來去相見。

阿毗曇集異門足

假使我身血肉枯竭，唯皮筋骨連拄而存，若本所求勝法未獲，終不止息。為精進故，應深受寒熱饑渴蚊蛇蝎蚊蝘風雨等觸，又應忍受他人所發，能生身中猛利辛楚，奪命苦受毀辱語言。

評曰：本所求勝法未獲，終不止息，即宗門所謂本參話頭不破，誓不休歇之意也。